



Broj: 01/1-02-1366/16  
Ilijaš, 31.05.2016. godine

**Z A P I S N I K**

sa 41. (četrdesetprve) sjednice Općinskog vijeća Ilijaš, održane dana 31.05.2016. godine, sa početkom u 10h.

Četrdesetprvom sjednicom OV-a Ilijaš predsjedavao je predsjedavajući Općinskog vijeća Ilijaš g-din Damir Filipović.

Prisutni vijećnici:

<b>RB.</b>	<b>IME I PREZIME</b>
<b>SDA</b>	
1	MAHIR DEVIĆ
2	NEDŽMIJA MATORUGA
3	SAUDIN DURMIĆ
4	HALID DIZDAREVIĆ
5	MUAMERA MASNOPITA
6	MUAMER DERVIŠEVIĆ
7	FAHIR HASANOVIĆ
8	RASIM ŠEHIĆ
9	SELMA PUŠINA
<b>SDP</b>	
10	ALAN ŠERAK
11	MARIONETA ILIĆ-JURETA
12	DAMIR FILIPOVIĆ
13	SELVER HERIĆ
<b>SBB</b>	
14	-
15	NIJAZ MAŠIĆ
16	SEAD ŠEHIĆ
17	AKIF BEŠLIJA
<b>SAMOSTALNI VIJEĆNICI</b>	
18	EDHEM HASANOVIĆ
19	-
20	NIHAD BUČUK
21	ENES DIZDAREVIĆ
<b>STRANKA ZA SREDNJE</b>	
22	-
23	AIDA MALIŠEVIĆ

	<b>LDS</b>
24	-
	<b>BPS</b>
25	MUHAMED HANDŽIĆ

Odsutni vijećnici:

1. Adem Efendić
2. Asim Mujić
3. Besim Gljiva i
4. Nijaz Rastoder

Prisutni gosti:

1. Nermina Durić-Kahvedžić - Radio Ilijaš
2. RTV Vogošća
3. TV SA
4. Mehmed Smajlović – predsjednik Savjeta MZ Mrakovo
5. Denis Kahrman – predstavnik Uprave za šumarstvo Kantona Sarajevo
6. Samka Zuban – predstavnica Pravobranilaštva Kantona Sarajevo

Ostali prisutni:

1. Akif Fazlić – općinski načelnik
2. Nijaz Spahić – pomoćnik načelnika
3. Zdravko Barić – pomoćnik načelnika
4. Sanja Zagorac-Jozić – pomoćnik načelnika
5. Alma Imamović – pomoćnik načelnika
6. Meliha Avdibegović – pomoćnik načelnika
7. Hamida Muratović – šef odsjeka u imovinsko-pravnoj službi
8. Ilda Kahrman – sekretar OV-a Ilijaš
9. Vahid Hadžiabdić – građevinski inspektor
10. Sadik Alić – komunalni inspektor
11. Adha Masnopita – stručni saradnik u Službi za društvene djelatnosti
12. Maida Habibović – zapisničar

Predsjedavajući je otvorio sjednicu i konstatovao da postoji kvorum za odlučivanje.

Dao je na razmatranje zapisnik sa 40. sjednice OV-a. Primjedbi nije bilo, pa je OV-e jednoglasno usvojilo zapisnik sa 40. sjednice.

Zatim je dao na razmatranje zapisnik sa tematske sjednice. Primjedbi nije bilo, pa je OV-e jednoglasno usvojilo zapisnik sa tematske sjednice.

Pročitao je predloženi dnevni red i dao na razmatranje.

Primjedbi nije bilo, pa je OV-e jednoglasno usvojilo slijedeći

### **DNEVNI RED**

1. Vijećnička pitanja i inicijative
2. Izvještaj o realizaciji zaključaka sa 40. sjednice
3. Izvještaj o radu Pravobranilaštva Kantona Sarajevo za Općinu Ilijaš za 2015. godinu

4. Prijedlog Odluke o pristupanju izradi Regulacionog plana "SAVIĆA BRDO 1"- Ilijaš
5. Nacrt Odluka o:
  - a) usvajanju Regulacionog plana "Karaula"
  - b) provođenju Regulacionog plana "Karaula"
6. Nacrt Odluka o:
  - a) usvajanju Regulacionog plana "Mrakovo"
  - b) provođenju Regulacionog plana "Mrakovo"
7. Prijedlog Odluke o dekorisanju
8. Prijedlog Odluke o izmjenama Odluke o privremenom korištenju javnih površina na području Opštine Ilijaš
9. Prijedlog Odluke o uslovima i načinu držanja kućnih ljubimaca pasa i domaćih mački, načinu postupanja s napuštenim i izgubljenim životinjama i psima lualicama na području Općine Ilijaš
10. Prijedlog Odluke o naknadama za vršenje usluga iz oblasti premjera i katastra u postupku izlaganja podataka premjera i katastarskog klasiranja na javni uvid za K.o. Homar
11. Prijedlog Odluke o neposrednoj pogodbi za prodaju neizgrađenog građevinskog zemljišta (k.č.br.1328/3 K.O. Ilijaš Grad – novi premjer)
12. Prijedlog Odluke o načinu i uslovima prodaje neizgrađenog građevinskog zemljišta (k.č.br.965/1 K.O. Ilijaš Grad – novi premjer)
13. Prijedlog Odluke o davanju saglasnosti za zaključivanje i potpisivanje Aneksa Ugovora o prodaji (OPU-IP broj:615/2015. Od 07.10.2015. godine)
14. Prijedlog Odluke o izmjeni Odluke o građevinskom zemljištu Općine Ilijaš
15. Prijedlog Odluke o izmjeni člana 2. Odluke Općinskog vijeća Općine Ilijaš br.01/1-02-854-13/16 od 31.03.2016. godine
16. Prijedlog Dopunskog rješenja iz imovinsko-pravne oblasti broj:06/1-31-161/15
17. Prijedlog Rješenja iz imovinsko-pravne oblasti broj:06/1-31-1567/16
18. Informacija o izvršenju Budžeta Općine Ilijaš za period 01.01.-31.03.2016. godine
19. Informacija iz oblasti šumarstva i eksploatacije kamena

#### AD-1

#### Vijećnička pitanja i inicijative

#### SEAD ŠEHIĆ – vijećnik SBB-a

##### Inicijativa:

1. Pokrećem inicijativu prema nadležnoj općinskoj službi da što hitnije izvrši pregled i sanaciju puta Ljubnići-Žerovanj.

Obrazloženje: Navedena dionica usljed početka izgradnje apartmanskog naselja, polaganja cijevi za optičke kablove, korištenja teških mašina u potpunosti devastirana da je skoro pa ne moguće saobraćati običnim putničkim automobilom. Podsjećanja radi, na Žerovanju i Banjeru ima nekoliko izgrađenih kuća, kao i započetih izgradnji kuća, te domaćinstava koja svakodnevno koriste pomenutu dionicu, koja je prije početka svjesnog urušavanja bila u solidnom stanju. Osim ovih radova planira se i dodatno devastiranje ove dionice zbog kopanja za polaganje podzemnog kabla za struju. Stoga je potrebno u što skorije vrijeme izvršiti pregled pomenute dionice, te za istu iznaći način saniranja i normalnog odvijanja saobraćaja.

## SAUDIN DURMIĆ – vijećnik SDA

### Inicijativa:

1. Pokrećem inicijativu prema nadležnoj općinskoj službi i Petoj policijskoj upravi Ilijaš da poduzmu adekvatne mjere u cilju sprječavanja prosjačenja u ulici 126. Ilijaške brigade.
2. Ponovo pokrećem inicijativu da nadležna općinska služba sanira prokope na pješačkoj stazi na lokalitetu park kod bivše zgrade Direkcije Željezare.

Za realizaciju ove inicijative nisu potrebna znatna finansijska sredstva, a samo saniranje prokopa uljepšat će izgled kao i bezbjednost pješaka.

## NIJAZ MAŠIĆ – vijećnik SBB-a

### Inicijativa:

1. Pokrećem inicijativu prema nadležnoj općinskoj službi da što prije riješi problem položenih cijevi za optičke kablove koji su ostali na površini zemlje i koji svakodnevno ugrožavaju odvijanje saobraćaja.

Obrazloženje: U nekoliko mjesnih zajednica na području Općine Ilijaš izvršeno je polaganje cijevi za optičke kablove. Međutim, iste su na mnogim mjestima ostale na površini zemlje što svakako ugrožava nesmetano odvijanje saobraćaja. Shodno tome, izvođačima radova je potrebno naložiti što hitnije rješavanje ovog problema, te saobraćajnice dovedu u prvobino stanje.

## MARIONETA ILIĆ-JURETA – vijećnica SDP-a

### Pitanje:

1. Šta je sa sanacijom klizišta na putnoj komunikaciji Povoća-Solakovići tj. Rudin Brijeg i oštećenjem dijela puta na istoj lokaciji.

Prijed dvije godine je urađena sanacija, ali nije dobro urađena – u slučaju veće kiše postoji prijetnja da se prekine putna komunikacija, a znate da odozgo ima punu djece koja idu u školu.

### Inicijativa:

1. Pokrećem inicijativu da se postave dva kontejnera u Solakovićima da bi se ukinule divlje deponije.

## AKIF BEŠLIJA – vijećnik SBB-a

### Inicijativa:

1. Pokrećem inicijativu prema nadležnoj općinskoj službi, da se izvrši pregled dionice puta od Donje Karaule do mezarja u Donjoj Karauli, kao i jednog kraka makadamskog puta prema kući Zukića, te da se pristupi sanaciji istog, odnosno popravki rupa i pukotina, kao i sanaciji makadamskog puta.

Obrazloženje: Jedan dio ove dionice je asfaltiran, te je potrebno da se što prije sanira i zaštiti od još većeg propadanja, što ne iziskuje neka veća ulaganja, dok također i za ovaj dio makadamskog ne trebaju veća sredstva cca 3 kamiona nasipnog materijala.

SELVER HERIĆ – vijećnik SDP-a

Pitanje:

1. Molim nadležnu službu da iznađe mogućnost nesmetanog prolaza ukopa mrtvih na pravoslavnom groblju Srednje, jer u ovom momentu prilikom ukopa moraju pitati vlasnike zemljišta za prolaz žitelja za sahranu.

RASIM ŠEHIĆ – vijećnik SDA

Inicijativa:

1. Pokrećem inicijativu da se izvrši zamjena trafostanice na električnom vodu u MZ Kamenica – lokalitet Odžak.

Obrazloženje: Postojeća trafostanica je postavljena nakon završetka agresije kada je došlo do povratka stanovništva u ova dva zaseoka Odžak i Nanići. U tom poslijeratnom periodu postavljena je trafostanica koja je bila dovoljna za snabdijevanje električnom energijom povratničkog stanovništva. U međuvremenu u ovom području je došlo do izgradnje velikog broja vikend objekata što predstavlja ogromno opterećenje za normalno snabdijevanje električnom energijom svih korisnika.

2. Pokrećem inicijativu da se ispred OŠ "Podlugovi" postave ležeći policajci ili usporivači brzine u skladu sa procjenom nadležnih u općinskoj službi.

Obrazloženje: Zaključak Općinskog vijeća da se ispred svih škola na području Općine Ilijaš postave usporivači brzine ili ležeći policajci, realizovala je Direkcija za ceste Kantona Sarajevo u skladu sa nadležnostima tj. putevima koji su u nadležnosti Direkcije. U okviru toga postavljeni su ležeći policajci ispred škola u Misoči, Kamenici, SŠC "Nedžad Ibrišimović", te usporivači brzine ispred škole "Stari Ilijaš".

Zaključak nije realizovan jedino za OŠ "Podlugovi" koji je u nadležnosti Općine Ilijaš, stoga se nadam da će općinska služba izvršiti realizaciju istog.

MUAMER DERVIŠEVIĆ – vijećnik SDA

Inicijativa:

1. Pokrećem inicijativu prema KJKP "Sarajevošume" da u skladu sa redovnim održavanjem makadamskih puteva koje to preduzeće koristi za eksploataciju šuma izvrši saniranje makadamski-lokalnih puteva na području Mjesnih zajednica: Srednje, Gajevi, Dragoradi i Kamenica. Inicijativa se preventivno odnosi na put: Sokolina-Šići, putevi u naselju Vrutci, Sudići i makadamski put u Kamenici koje koriste za eksploataciju. Napominjem da su putevi u Vrutcima gdje je vršena eksploatacija šume u katastrofalnom stanju.

MUHAMED HANDŽIĆ – vijećnik BPS-Sefer Halilović

Predlažem da donesemo zaključak kojim ćemo tražiti od Instituta za nestale da intenziviraju aktivnosti oko pronalaska nestalih sa područja Općine Ilijaš.

Inicijativa:

1. Klub vijećnika SDP-a Ilijaš zahtjeva iznalaženje mogućnosti uvođenja dvosmjernog saobraćaja u ulici Ivana Franje Jukića. Naime, građani Ilijaša, a naročito građani Novog Naselja, te ul. Hašim Spahić moraju napraviti čitav krug oko grada da bi važnim institucijama kao što su Općina, Socijalno, Dom zdravlja i dr. prišli autima.

Pitanje:

1. Interesuje nas do kog stadija je došao naš prijedlog za uvođenje javne kuhinje u Srednjem koja bi služila za potrebe socijalno ugroženog stanovništva?

DAMIR FILIPOVIĆ – predsjedavajući

Pročitao je dopis građana: Mustafa Sefer, Sabro Hasković, Hazir Kazija i Mujo Muslića u kojem traže hitnu reakciju Općinskog vijeća Ilijaš u spriječavanju kršenja zakona i nepotizma u općinskoj administraciji, te zatražio obrazloženje od šefa odsjeka u imovinsko-pravnoj službi.

HAMIDA MURATOVIĆ – šef odsjeka u imovinsko-pravnoj službi

Ovo je vezano za zahtjev razgraničenja između privatnog posjeda i državnog zemljišta. Od 2015. godine mi imamo aktuelan ovaj zahtjev, a komisija u sastavu ja kao voditelj postupka, geodeta iz odsjeka za katastar, pripadnici civilne zaštite i policije bili smo na terenu, po uputama drugostepenog organa uklonili smo tu postavljenu granicu. Pokazano je kuda treba da ide, uklonjena je ograda, ali stranke nisu zadovoljne jer su dobile stanje koje je puno gore nego što jeste. Znači, kada smo sve obavili, stranke su opet bile nezadovoljne. U međuvremenu, gore navedene stranke su pokrenule postupak kod drugostepenog organa, što znači da su se žalili na naše izvršenje. Predmet je trenutno na drugostepenom organu i ne možemo davati nikakve izjave, jer ne znamo kakva će biti odluka drugostepenog organa. Kada dobijemo odgovor od drugostepenog možemo dati detaljnije informacije. Vi možete ponovo tražiti u pisanoj formi ili da referišemo na slijedećoj sjednici Vijeća.

Zatim je predsjedavajući dao na glasanje prijedlog zaključka Muhameda Handžića. Općinsko vijeće je jednoglasno donijelo

## ZAKLJUČAK

Općinskog vijeće Ilijaš traži da Institut za nestale osobe Bosne i Hercegovine intenzivira aktivnosti oko pronalaska nestalih sa područja Općine Ilijaš, imajući u vidu da se još uvijek sa područja Općine Ilijaš traži 55 nestalih ilijašana.

### AD-2

#### Izveštaj o realizaciji zaključaka sa 40. sjednice

Diskutanata po ovoj tački dnevnog reda nije bilo, pa je Općinsko vijeće jednoglasno usvojilo

#### Izveštaj o realizaciji zaključaka sa 40. sjednice

## Izveštaj o radu Pravobranilaštva Kantona Sarajevo za Općinu Ilijaš za 2015. godinu

SAMKA ZUBAN – rukovodilac odjeljenja za opće poslove u Pravobranilaštvu Kantona Sarajevo

Najznačajniji i najstručniji poslovi iz nadležnosti Pravobranilaštva su poslovi zastupanja imovinsko-pravnih interesa Općine Ilijaš pred nadležnim sudovima i organima uprave. U okviru aktivnosti u poslovima zastupanja Pravobranilaštvo je u toku 2015. godine bilo angažovano u slijedećim poslovima:

- sačinjavanju tužbi i upućivanju istih nadležnom sudu,
- izrade odgovora na tužbe zaprimljene protiv Općine,
- podnošenja prijedloga za izvršenje i ulaganje prigovora protiv rješenja o izvršenju,
- izradi pismenih podnesaka u toku trajanja postupka,
- ulaganju žalbi i drugih redovnih i vanrednih pravnih lijekova protiv odluka sudova,
- davanje pismenih odgovora na pravne lijekove druge stranke u postupku i dr.

U 2015. godini bilo je ukupno u radu 74 parnica od čega je 9 parnica pravosnažno okončano, 7 sa pozitivnim ishodom i 2 izgubljene. U radu je ostalo 65 parnica.

Kada je u pitanju predmet spora, odnosno tužbenih zahtjeva, najveći broj predmeta odnosi se na predmete po osnovu:

- |                 |    |
|-----------------|----|
| - stambeni      | 11 |
| - utvrđenja     | 21 |
| - duga          | 13 |
| - naknade štete | 12 |
| - ostalo        | 17 |

Kao nezavršenih u ovom izvještajnom periodu evidentirano je 65 predmeta od kojih je značajan broj okončan u prvom stepenu, ali je u toku postupak po žalbi jedne od parničnih stranaka.

Općina Ilijaš od navedenih parnica u najvećem broju parnica je bila tužena strana. U 18 predmeta je bila tužitelj.

Sagledavajući ukupno stanje na zaštiti imovine i imovinskih interesa Općine Ilijaš, koja je poslove pravobranilaštva povjerila Pravobranilaštvu Kantona Sarajevo, može se konstatovati da je ovo Pravobranilaštvo u proteklom periodu uložilo maksimalne napore kako kroz zastupanje pred sudovima, tako i kroz davanje mišljenja i u drugim postupcima. Ovdje posebno želimo napomenuti da su sudovi Kantona Sarajevo izuzetno angažirani odnosno opterećeni velikom brojem predmeta zbog čega neki sporovi duže traju.

Pravobranilaštvo želi ukazati da je donesen novi Zakon o stvarnim pravima ("Sl. novine F BiH", br.66/13), a koji u završnim odredbama reguliše nadležnosti Pravobranilaštva i značajnu aktivnost Pravobranilaštva u vezi primjene ovog Zakona. Očigledno će po ovom Zakonu biti izražena aktivnosti Pravobranilaštva kao imovinsko pravnih i drugih službi Općine Ilijaš.

Aktivnosti Pravobranilaštva Kantona Sarajevo će i u narednom periodu biti usmjerene na poduzimanje mjera i pravnih sredstava radi pravne zaštite imovine i imovinskih interesa Općine Ilijaš.

Diskutanata po ovoj tački dnevnog reda više nije bilo, pa je OV-e Ilijaš jednoglasno usvojilo

Izveštaj o radu Pravobranilaštva Kantona Sarajevo za Općinu Ilijaš za 2015. godinu

AD-4

Prijedlog Odluke o pristupanju izradi Regulacionog plana "SAVIĆA BRDO 1"- Ilijaš

Diskutanata po ovoj tački dnevnog reda nije bilo, pa je OV-e Ilijaš jednoglasno donijela

Odluku o pristupanju izradi Regulacionog plana "SAVIĆA BRDO 1"- Ilijaš

Uslijedila je pauza 10:45-10:50 h

AD-5

Nacrt Odluka o:

- a) usvajanju Regulacionog plana "Karaula"
- b) provođenju Regulacionog plana "Karaula"

Diskutanata po ovoj tački dnevnog reda nije bilo, pa je OV-e Ilijaš jednoglasno donijelo

ZAKLJUČAK

1. Utvrđuje se Nacrt Regulacionog plana "Karaula", Nacrt Odluke o provođenju Regulacionog plana "Karaula" i Nacrt Odluke o usvajanju Regulacionog plana "Karaula".

2. Javni uvid na Nacrt Regulacionog plana "Karaula", Nacrt Odluke o provođenju Regulacionog plana "Karaula" i Nacrt Odluke o usvajanju Regulacionog plana "Karaula" stavlja se na Javni uvid u periodu od 31.05. 2016. do 14.06.2016 godine, a Javna rasprava na nacrt Regulacionog plana "Karaula", Nacrt Odluke o provođenju Regulacionog plana "Karaula" i Nacrt Odluke o usvajanju Regulacionog plana "Karaula" održat će se 15. juna (srijeda) 2016. godine u Sali Općine Ilijaš /podrum/ sa početkom u 14 sati i 30 minuta.

3. Primjedbe, prijedlozi, sugestije i mišljenja svih zainteresovanih subjekata planiranja, MZ-a, potencijalnih investitora, građana, vijećnika Općinskog vijeća Ilijaš dostavljaju se Općini Ilijaš, Službi za prostorno uređenje i stambeno komunalne poslove, koja organizuje i sprovodi javnu raspravu.

4. Služba za prostorno uređenje i stambeno komunalne poslove dužna je nakon sprovedene javne rasprave da podnese izvještaj Općinskom vijeću Ilijaš, o rezultatima Javne rasprave koji sadrži primjedbe, prijedloge i mišljenja kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni.

AD-6

Nacrt Odluka o:

- a) usvajanju Regulacionog plana "Mrakovo"
- b) provođenju Regulacionog plana "Mrakovo"

Diskutanata po ovoj tački dnevnog reda nije bilo, pa je OV-e Ilijaš jednoglasno donijelo

ZAKLJUČAK

1. Utvrđuje se nacrt Regulacionog plana "Mrakovo", nacrt Odluke o provođenju Regulacionog plana "Mrakovo" i nacrt Odluke o usvajanju Regulacionog plana "Mrakovo".

2. Javni uvid na Nacrt Regulacionog plana "Mrakovo", nacrt Odluke o provođenju



Regulacionog plana "Mrakovo" i Nacrt Odluke o usvajanju Regulacionog plana "Mrakovo" stavlja se na Javni uvid u periodu od 31.05. 2016. do 14. 06. 2016. godine, a Javna rasprava na Nacrt Regulacionog plana "Mrakovo", Nacrt Odluke o provođenju Regulacionog plana "Mrakovo" i Nacrt Odluke o usvajanju Regulacionog plana "Mrakovo" održat će se 15. juna (srijeda) 2016. godine u Sali Općine Ilijaš /podrum/ sa početkom u 13 sati i 30 minuta.

3. Primjedbe, prijedlozi, sugestije i mišljenja svih zainteresovanih subjekata planiranja, MZ-a, potencijalnih investitora, građana, vijećnika Općinskog vijeća Ilijaš dostavljaju se Općini Ilijaš, Službi za prostorno uređenje i stambeno komunalne poslove, koja organizuje i sprovodi javnu raspravu.

4. Služba za prostorno uređenje i stambeno komunalne poslove dužna je nakon sprovedene javne rasprave da podnese izvještaj Općinskom vijeću Ilijaš, o rezultatima Javne rasprave koji sadrži primjedbe, prijedloge i mišljenja kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni.

#### AD-7

##### Prijedlog Odluke o dekorisanju

Diskutanata po ovoj tački dnevnog reda nije bilo, pa je OV-e Ilijaš jednoglasno donijelo

##### Odluku o dekorisanju

#### AD-8

##### Prijedlog Odluke o izmjenama Odluke o privremenom korištenju javnih površina na području Opštine Ilijaš

Diskutanata po ovoj tački dnevnog reda nije bilo, pa je OV-e Ilijaš jednoglasno donijelo

##### Odluku o izmjenama Odluke o privremenom korištenju javnih površina na području Opštine Ilijaš

#### AD-9

##### Prijedlog Odluke o uslovima i načinu držanja kućnih ljubimaca pasa i domaćih mački, načinu postupanja s napuštenim i izgubljenim životinjama i psima lualicama na području Općine Ilijaš

Diskutanata po ovoj tački dnevnog reda nije bilo, pa je OV-e Ilijaš jednoglasno donijelo

##### Odluku o uslovima i načinu držanja kućnih ljubimaca pasa i domaćih mački, načinu postupanja s napuštenim i izgubljenim životinjama i psima lualicama na području Općine Ilijaš

#### AD-10

##### Prijedlog Odluke o naknadama za vršenje usluga iz oblasti premjera i katastra u postupku izlaganja podataka premjera i katastarskog klasiranja na javni uvid za K.o. Homar

Diskutanata po ovoj tački dnevnog reda nije bilo, pa je OV-e Ilijaš jednoglasno donijelo

Odluku o naknadama za vršenje usluga iz oblasti premjera i katastra u postupku izlaganja podataka premjera i katastarskog klasiranja na javni uvid za K.o. Homar

AD-11

Prijedlog Odluke o neposrednoj pogodbi za prodaju neizgrađenog građevinskog zemljišta (k.č.br.1328/3 K.O. Ilijaš Grad – novi premjer)

Diskutanata po ovoj tački dnevnog reda nije bilo, pa je OV-e Ilijaš jednoglasno donijelo

Odluku o neposrednoj pogodbi za prodaju neizgrađenog građevinskog zemljišta (k.č.br.1328/3 K.O. Ilijaš Grad – novi premjer)

AD-12

Prijedlog Odluke o načinu i uslovima prodaje neizgrađenog građevinskog zemljišta (k.č.br.965/1 K.O. Ilijaš Grad – novi premjer)

Diskutanata po ovoj tački dnevnog reda nije bilo, pa je OV-e Ilijaš jednoglasno donijelo

Odluku o načinu i uslovima prodaje neizgrađenog građevinskog zemljišta (k.č.br.965/1 K.O. Ilijaš Grad – novi premjer)

AD-13

Prijedlog Odluke o davanju saglasnosti za zaključivanje i potpisivanje Aneksa Ugovora o prodaji (OPU-IP broj:615/2015. Od 07.10.2015. godine)

Diskutanata po ovoj tački dnevnog reda nije bilo, pa je OV-e Ilijaš jednoglasno donijelo

Odluku o davanju saglasnosti za zaključivanje i potpisivanje Aneksa Ugovora o prodaji (OPU-IP broj:615/2015. Od 07.10.2015. godine)

AD-14

Prijedlog Odluke o izmjeni Odluke o građevinskom zemljištu Općine Ilijaš

Diskutanata po ovoj tački dnevnog reda nije bilo, pa je OV-e Ilijaš jednoglasno donijelo

Odluku o izmjeni Odluke o građevinskom zemljištu Općine Ilijaš

AD-15

Prijedlog Odluke o izmjeni člana 2. Odluke Općinskog vijeća Općine Ilijaš br.01/1-02-854-13/16 od 31.03.2016. godine

Diskutanata po ovoj tački dnevnog reda nije bilo, ali je uslijedila pauza prije glasanja.

Pauza 11:00-11:05 h

Nakon pauze uslijedilo je glasanje. Obzirom da je zamjenik predsjedavajućeg Mahir Dević izjavio sumnju u glasanje uslijedilo je pojedinačno glasanje.

ZA su glasali slijedeći vijećnici: Mahir Dević, Nedžmija Matoruga, Saudin Durmić, Halid Dizdarević, Muamera Masnopita, Fahir Hasanović, Rasim Šehić, Selma Pušina, Selver

Herić, Edhem Hasanović, Aida Mališević, Nihad Bučuk i Enes Dizdarević

PROTIV su bili slijedeći vijećnici: Muhamed Handžić

UZDRŽANI su bili slijedeći vijećnici: Alan Šerak, Marioneta Ilić-Jureta, Damir Filipović, Nijaz Mašić, Sead Šehić, Akif Bešlija,

Konstatovano je da je sa 13 glasova ZA, 1 PROTIV i 6 UZDRŽANIH OV-e Ilijaš donijelo

Odluku o izmjeni člana 2. Odluke Općinskog vijeća Općine Ilijaš br.01/1-02-854-13/16 od 31.03.2016. godine

AD-16

Prijedlog Dopunskog rješenja iz imovinsko-pravne oblasti broj:06/1-31-161/15

MUHAMED HANDŽIĆ – vijećnik BPS-Sefer Halilović

Ovdje se radi o napajanju vodom apartmanskog naselja u Mrakovu, a direktno sa centralnog vodovoda. Postavljam pitanje da li će građani Općine Ilijaš koji koriste ovu vodu imati dovoljne količine vode, a da se ne uvode redukcije. Do sada sam o ovome govorio, kada su u pitanju apartmanska naselja, da će biti problema sa infrastrukturom, a posebno sa vodom. Postavljam pitanje za pomoćnicu načelnika za prostorno uređenje i stambeno-komunalne poslove i načelnika, da li će građani Ilijaša imati dovoljne količine vode za naredni period?

ENES DIZDAREVIĆ – samostalni vijećnik

Kolega Handžić je dosta toga rekao što sam i ja htio pitati. Kako da svrstamo građane prigradskih dijelova Ilijaša koji su u toku ljetnog perioda bez vode, a zbog čega privilegiju da imaju ljudi koji dolaze iz vana da riješe svoja vikend naselja i da imaju non-stop vodu? Znači, oni ne bi ispaštali kao ostali građani Starog Ilijaša, Lješeva i ostalih dijelova koji imaju redukcije.

Dalje, nije mi jasno ovo gdje piše 12.03.2015. godine, a u dnevnom redu u prijedlogu Odluke o izmjeni člana 1 i člana 2. Odluke Općinskog vijeća Općine Ilijaš br.01/1-02-854-13/16 od 31.03.2016. godine. Nije mi jasno kako je moglo doći rješenje prije nego što se na Vijeću riješilo?

MAHIR DEVIĆ – zamjenik predsjedavajućeg

Ne želim davati nikakve odgovore, to će uraditi stručne službe. Hoću samo govoriti o radu organa koji se zove Općinsko vijeće. Ako smo kao općinski organ donijeli plan parcelacije, a jesmo, ako smo usvojili Regulacioni plan za taj dio područja, a jesmo, ako su ljudi platili građevinske dozvole, a jesu, onda smo dužni im obezbjediti infrastrukturu. Ono što je bojazan i djelimično razumljiva od strane pojedinih vijećnika mi se kao Općina Ilijaš nalazimo pred jednom vrstom infrastrukturnog izazova. S jedne strane je to loše, a s druge je dobro. Ono što je loše jeste da neke resurse trebamo nadograditi. Pitanje struje, izgradnjom 10kv stanice smo riješili.

Sada smo u jednoj ekspanziji kada je u pitanju izgradnja generalno objekata i naravno da moramo sistemski rješavati i pitanje vode. Postavljati pitanje za 20-30 kuća mislim da to u ovom momentu nije relevantno za čitav sistem, a ranije smo usvojili zaključak da se

napravi projekat sistemskog rješenja da riješimo pitanje vode za budućnost. Mislim da kao Vijeće u tom pravcu trebamo diskutovati i da kao ozbiljan organ zauzmemo političke stavove i napravimo strategiju investiranja u trajno rješenje proširenja kapaciteta, pa neka je investicija i par miliona. Sve ovo drugo što postavljamo pitanje mislim da nas ne vodi konačnom cilju. Isto kao što smo naporima i zajedničkim snagama poboljšali oblast zdravstva na području Općine Ilijaš u jednom cijelom mandatu, kao što smo i pritiskom i vanrednim sjednicima riješili problem struje, pozivam da u tom pravcu kao OV-e u narednom periodu iznađemo sistemsko rješenje za pitanja vode da ne dođemo u situaciju da postavljamo pod pitanja. Ovo da li će to ugrožavati sistem neka odgovori načelnik i nadležne službe. Mi trebamo da obezbjedimo tolike količine vode da imamo viška da ih nekome prodamo. To jeste veliki izazov u narednom periodu. Neka infrastrukturnog razvoja u Ilijašu.

MUHAMED HANDŽIĆ (replika) – vijećnik BPS-Sefer Halilović

Sve ovo što ste rekli kolega Mahire ja se slažem sa vama, da trebamo graditi infrastrukturu, da trebamo poboljšati sistem snabdijevanja. Međutim, mi imamo pripremljen projekat vodozahvata Vratak i nikada ga nismo aktuelizirali. Ovdje pričamo kako dobijamo rente, kako nam je interes korist od ovih što dolaze i grade objekte, a ne grade fabrike i stojimo u mjestu. Dajte da ta sredstva koja uzimamo za rente ulažemo svrsishodno. Neka idu u pravcu vodosnabdijevanja, u pravcu izgradnje druge infrastrukture koja će biti od koristi i nama i ovima koji dolaze ovdje i grade.

Ja jesam za to da poboljšamo vodosnabdijevanje, za izgradnju infrastrukturu, ali da mi sada dajemo od našeg litra vode  $\frac{3}{4}$  nekom nisam za to.

MAHIR DEVIĆ (replika i krivi navod) – zamjenik predsjedavajućeg

Krivi navod u segmentu priče da imamo projekat vodozahvata Vratak. Po mojim informacijama mi nememo projekat koji je ovjeren od strane meritorne kuće koji tvrdi da ćemo na taj način riješiti pitanje vodosnabdijevanja na gornjem kraju ili na području čitave općine. Podržavam da platimo i izgradimo, napravimo taj projekat i ja ću ga uvijek podržati.

Replika je u sljedećem segmentu. Ja sebi lično govorim da nikada neću dozvoliti da na sjednici OV-a dignem ruku protiv da bilo stanovnik Općine Ilijaš nema pravo na vodu. Ja to ne smijem uraditi i neću, ali hoću da nađemo sistemsko rješenje da nabavimo milione litara vode.

O bojazni možemo pričati i to razumijem, a ja sam za sistemsko rješenje pitanje vodosnabdijevanja.

NIJAZ MAŠIĆ – vijećnik SBB-a

Kada ljudi grade, potrebna je cjelokupna infrastruktura, ali ovdje je često upozoravano da vode nema. Za govornicom je rečeno, braneći ove projekte, da će se problem vodosnabdijevanja vršiti iz nekog drugog izvora. Jedini način je uzimaj i dalje od ljudi koji neće imati vode ni za piće.

Nije problem da se voda ne da, a zamjenik predsjedavajućeg je rekao da nema planskog rješenja, odakle ćemo dobiti novu vodu. Rekli ste da Vratak nije planiran.

Mi nećemo ovo podržati iz razloga što problem vode iz drugih izvora nije ostvaren.

MAHIR DEVIĆ (krivi navod) – zamjenik predsjedavajućeg

Nisam ja rekao ovo što je naveo kolega Mašić. Ja sam uvijek bio za sistemska rješenja i unapređenje infrastrukture Općine Ilijaš i nikada nisam bio ni za kakvu vrstu politikanstva. Ne vidim kako mi kao OV-e imamo pravo zaustavljati neku vrstu priče nakon što smo nekome izdali građevinsku dozvolu, naplatili je i sada reći ne možeš imati vodu. Ja o tome pričam, ali za sistemsko rješenje jesam.

ALAN ŠERAK – vijećnik SDP-a

Vraćamo se na ono na šta je KV SDP-a upozoravao svo vrijeme, a to je da mi u ovom trenutku nismo spremni da doživljavamo ovakvu ekspanziju po pitanju izgradnje novih stambenih jedinica na području Općine Ilijaš. Prva stvar koja se dešava je apartmansko naselje u Popovićima koje broji cca 50 domaćinstva koje će biti popunjeno u ljetnom periodu upravo u onom momentu kada imamo najviše nedostatka vode. Jedino grad prošle godine nije bio pod redukcijom i to svi znamo.

Kada se bude gradilo u Mrakovu biće prikopčano na postojeći vodovodni sistema. Postavlja se pitanje da li smo mi uistinu spremni u ovom momentu ili za godinu-dvije da snabdijevamo nekih 500 000 domaćinstava pitkom vodom. Mislim i znam da nismo, a vode jednostavno nema.

Na jednoj od prošlih sjednica smo imali Izvještaj iz Vodostana i direktorica je prva rekla da će doći do određene problematike po pitanju vodosnabdijevanja i da ona sama ne zna kako to riješiti. Drugi nas uvjeravaju da će usvajanjem regulacionih planova Zavod definisati kako će se ta naselja snabdijevati vodom. Pogledajte sve regulacione planove koje smo dobili od Zavoda i vidjet ćete da su predvidjeli da se priključi na postojeći sistem vodosnabdijevanja na području Općine Ilijaš. Hoćemo li mi uspjeti i naredne 2-3 godine naći alternativu? Nećemo uspjeti.

Mi nećemo podržati nešto što će ugroziti stanovništvo Općine Ilijaš koje živi na području MZ Ilijaš Grad i okolnih mjesta koja se naslanjaju na tu mjesnu zajednicu.

MUHAMED HANDŽIĆ – vijećnik BPS-Sefer Halilović

Mi o ovome govorimo tri godine i dobro je rekao kolega Dević, ljudima smo dali dozvole, prodali zemljište i sada im treba obezjediti vodu i slažem se s njim. Međutim, nismo mi svi njima davali dozvole, prodavali zemljište, nego jedan dio ovdje i ovaj dio koji im je davao dozvole, prodavao zemljište i koji radi sve što radi u Općini Ilijaš neka nastavi. Moja ruka i moja saglasnost ništa i ne znači. Tri godine sam upozoravao i ne želim da ulazim u ove diskusije i nikada za ovakve projekte neću glasati.

MAHIR DEVIĆ – zamjenik predsjedavajućeg

Nekako se već duži niz sjednica stvara jedna iskrivljena slika kako "tobože" postoji ovdje određen broj vijećnika koji se kao sekiraju za građane Općine Ilijaš, a postoji ovih 13, 14 i 15 vijećnika koji kao prodaju interes građana Općine Ilijaš i nije im važan interes građana a paralelno s tim, taj isti broj od 14-15 vijećnika je svojim potezima, političkim djelovanjima cijelo vrijeme unapređivao infrastrukturnu izgradnju Općine Ilijaš. Ja razumijem politikanstvo, razumijem i bojazan. Međutim mi ovdje u ovoj sali treba da se bavimo unapređenjem infrastrukture, a ne da pričamo trebamo li dati vodu za 5, 10 ili 15 kuća. Mi stalno ovdje nailažimo s tom vrstom priče, pa ću pobrojati. Hoćemo li dati čovjeku da napravi farmu u Ribarićima i u jednom momentu procijenimo da ne trebamo čovjeku dati

vodu da neko ne bi rekao da to dajemo preko "štele", pa dođe onaj u pitanje i ne damo i njemu i stalno na toj vodi pričamo neke priče. Umjesto toga, političko djelovanje u ovoj sali je slijedeće: kada se usvaja budžet Općine Ilijaš kaže se predlažemo stavku za izgradnju sistemskog vodozahvata na toj i toj lokaciji, izgradnja projekta 2 miliona KM i ovo je naš amandman načelnice da vam podržimo budžet i to je političko sistemsko djelovanje, a nije djelovanje to hoćemo li mi dati vodu za 5, 10, 20 kuća i sada kao mi prodajemo interes građana, a neki drugi kao štite. Razumijem i prostor predizborne kampanje, ali se trebamo vratiti sistmskom rješenju da unaprijedimo taj segment, taj resurs s kojim nekada nismo imali problema, ali sada dolazimo u fazu gdje ćemo imati, jer se Ilijaš infrastrukturno razvija. Hoćemo li to mi doći s politikom ovdje i kazati nećemo asfaltirati put za Dragorade, jer postoji mogućnost da će ispucati, pa ga nećmo moći pokrpiti. Je li to ta politika?

ALAN ŠERAK (replika) – vijećnik SDP-a

Ovdje se ne može nekom imputirati da je neko zaštitnik građana, a neko nije, zamjeniče predsjedavajućeg. Znam i jasno mi je da neke stvari treba pozavršavati. Nije se tek tako otišlo u Saudijsku Arabiju i obavilo umru, pa se sada vratili i treba neke stvari završavati. Odkud to odjednom da neki investitor koji dolazi sa Saudijskog poluotoka vodi ključne osobe ove općine dole o njihovom trošku i ostalim stvarima, treba li o tome pričati? Ili, da pričamo o drugim stvarima kako se brinemo o građanima, a kapital nam raste preko noći. Ubuduće vodite računa kako se obraćate i kome.

MUHAMED HANDŽIĆ (replika) – vijećnik BPS-Sefer Halilović

Mi pričamo o resursu koji treba da damo na korištenje onima koji dolaze ovdje. Dakle, nemojte gospodine Deviću odvoditi tu pilićaru u Ribariće, jer je ona na Banjeru u visočkoj općini o kojoj govorite, a mi ljudima iz Ribarića treba da damo sve na raspolaganje i dajem, jer su na našoj općini. To su privrednici kojim treba da obezbjedimo resurse i obezbjeđujemo i niko od nas nije bio protiv toga. Jesmo bili protiv pilićare na Banjeru, jer ima obavezu načelnik općine i nadležne službe da obezbjede svu infrastrukturu onome kome su dali dozvolu za izgradnju te pilićare o kojoj govorite, a prenosite je u Ribariće. Znači, radi se o Kula Banjeru, a ne o Ribarićima.

Drugo, vi ste dušebrižnici i stalno podvlačite neke predizborne kampanje nama koji nismo imali pravo da donosimo nikakve odluke. Oduzeli ste nam pravo da donosimo odluke u protekle 3,5 godine. Obezbjedili ste većinu i donosili ste odluke takve kakve ste donosili, zbog kojih ćete sigurno snositi posljedice i sada bi htjeli da nas upetljate u to. Mi smo dali. Nismo mi dali, nego vi i sada se pravdate, a pričate ovdje da sve što se dobro uradi u Ilijašu vi ste zaslužni. Pa nismo glasali za taj budžet načelnika koji je donesen, a budžet je punjen iz džepova građana, a nije iz tvog džepa, nije iz džepa niti jedne stranke, jer te stranke nemaju ništa osim što "gule" narod. Sada pričate kako vi dajete nešto, šta ćete vi dati, pa gledajte svoja posla i svoje domaćinstvo.

MAHIR DEVIĆ (replika) – zamjenik predsjedavajućeg

Bespredmetno je da ovakve stvari repliciram, jer sam ovakav vid komunikacije odavno prerastao i da ne bi tačka otišla tamo gdje neki pokušavaju da odvedu, odustajem od bilo kakvog vida replike. Razumijem potrebu predizborne kampanje, nervoze, liste i sve mi je jasno. Volio bih još da čujem načelnika da se ne raspravljamo, jer nema potrebe da to radimo.

Što se tiče SBB-a ovdje nema nikakvog politikanstva. Ovdje smo dobili papir gdje piše "za izgradnju priključne vodovodne mreže od glavnog gradskog rerezervoara do apartmanskog naselja". Ja postavljam pitanje načelniku zašto njima ide posebno vod od glavne cijevi, zašto se ne priključe sa postojeće. Kada mi ostali građani nemamo vode, neka nemaju ni oni. Ja ne vjerujem Vodostanu, ako mi budemo imali redukciju, ko će garantovati građanima da njima neće biti puštena voda, a nama biti zatvorena. To je ono što nas interesuje.

AKIF FAZLIĆ – općinski načelnik

Zaista ova tačka od početka je otišla negdje što nije suština ove tačke. Problematika vodosnabdijevanja, problematika gradnje naselja, sve to stoji, ali to treba pozicionirati uz neku tematsku tačku ako cijenimo da trebamo napraviti novu vrstu rasprave oko toga i donijeti zaključke.

Ova tačka je kraj jednog projekta. Prije možda tri godine smo usvojili Regulacioni plan apartmanskog naselja Popovići i taj projekat je praktično završen. Doneseno je i rješenje o javnom interesu za trasu ovog vodovoda. Ovdje je ostalo nekoliko parcela da ih uvrstimo u ovo dopunsko rješenje i omogućimo investitoru da to završi. Oko ovog apartmanskog naselja je struka vodila puno rasprava, a i naše javno preduzeće je vodilo rasprave i bilo je više varijanti. Za investitora je bilo najpovoljnije i borio se za to da se napajanje vrši iz Popovića da ne gradi cjevovod cca 3 km. Međutim, insistiranje Zavoda za planiranje Kantona Sarajevo i ljudi koji se bave ovom strukom oni nisu dali tu vrstu saglasnosti. Znači, traženo je, da bi u potpunosti zaštitili sve one koji se snabdijevaju od Mrakova, Salkanovog Hana i Popovića da ovi moraju izgrditi poseban vod kako ne bi bilo ugroženo ovo stanovništvo. Dakle, to je jedna stvar, druga stvar jeste pitanje naše ozbiljnosti. Dakle, doveli smo ovaj projekat do kraja u svakom smislu. Sve ono što je bilo neophodno od regulacionih planova, projekata, dozvola, sve je to prošlo. Naplaćene su rente, uređenje i ostalo je ovo dopunsko rješenje zbog sedam parcela i mislim da trebamo biti korektni da to završimo. Na kraju, investitor će to opet riješiti na neki način, ali nemojte da ga uslovljavamo ako mu je neka kraća trasa i povoljnija za kopanje da mi na kraju kažemo ne može. Mislim da zaista trebamo zadržati vrstu ozbiljnosti na odlukama koje smo do sada donijeli u zadnje tri godine kada je ovaj projekat u pitanju i molim vas da oko ovoga ne pravimo problem. Ostajemo otvoreni da ja i Vijeće pravimo razne vrste sastanaka koji će donijeti neku strategiju koju ćemo prihvatiti i prema kojoj ćemo se ponašati. Podsjetit ću da Zaključkom ovog Vijeća su pokrenute aktivnosti i one ne idu brzo da se napravi strategija upravlja vodotokom rijeke Misoča i mi ćemo sada vidjeti kada je u pitanju gornji kraj. Imamo određenu projektnu dokumentaciju, ali ona treba da se doradi za gornji kraj i to jeste nešto što naredni period bi trebao da obilježi rad i OV-a i općinske administracije u smislu definiranja pitanja upravljanja vodama i politike voda kao, po meni, još jedino otvorenog pitanja kada je Općina Ilijaš u smislu resursa izdefinisala stvari. Tako da zaista još jednom vas pozivam da odgovorno pristupimo kada je u pitanju prijedlog ovog dopunskog rješenja.

Diskutanata po ovoj tački dnevnog reda više nije bilo, pa je OV-e pristupilo glasanju. Obzirom da je izjavljena sumnja u glasanje, zatraženo je pojedinačno glasanje.

ZA su glasali slijedeći vijećnici: Mahir Dević, Nedžmija Matoruga, Saudin Durmić, Halid Dizdarević, Muamera Masnopita, Muamer Dervišević, Fahir Hasanović, Rasim Šehić,

Selma Pušina, Edhem Hasanović i Nihad Bučuk

PROTIV su glasali slijedeći vijećnici: Alan Šerak i Muhamed Handžić

UZDRŽANI su bili slijedeći vijećnici: Marioneta-Ilić Jureta, Damir Filipović, Selver Herić, Nijaz Mašić, Sead Šehić, Akif Bešlija, Aida Mališević i Enes Dizdarević

Konstatovano je da sa 11 glasova ZA, 2 PROTIV i 8 UZDRŽANIH tačka nije dobila potrebnu većinu.

AD-17

Prijedlog Rješenja iz imovinsko-pravne oblasti broj:06/1-31-1567/16

Diskutanata po ovoj tački dnevnog reda nije bilo, pa je OV-e jednoglasno donijelo

Rješenja iz imovinsko-pravne oblasti broj:06/1-31-1567/16

AD-18

Informacija o izvršenju Budžeta Općine Ilijaš za period 01.01.-31.03.2016. godine

Diskutanata po ovoj tački dnevnog reda nije bilo, pa je OV-e primilo k znanju

Informaciju o izvršenju Budžeta Općine Ilijaš za period 01.01.-31.03.2016. godine

AD-19

Informacija iz oblasti šumarstva i eksploatacije kamena

Diskutanata po ovoj tački dnevnog reda nije bilo, pa je OV-e primilo k znanju

Informaciju iz oblasti šumarstva i eksploatacije kamena

Zatim je predsjedavajući Općinskog vijeća Damir Filipović, zaključio 41. sjednicu u 12:45h.

Zapisničar:  
Maida Habibović

PREDSJEDAVAJUĆI  
OPĆINSKOG VIJEĆA ILIJAŠ

---

Damir Filipović, dipl.pravnik

\*\*\*\*\*

Ul. 126. ilijaške brigade br. 6, 71380 Ilijaš  
Tel. ++387 33 580-620, 580-698, fax. 400-505,  
Transakcijski račun kod VAKUFSKE BANKE,d.d. Sarajevo:1602000000710645  
e-mail [ov@ilijas.ba](mailto:ov@ilijas.ba)  
Broj certifikata:20938

